

**Grad Novi Pazar
Skupština grada
Odbornička grupa SDA Sandžaka
Novi Pazar
14. novembar 2021. godine**

**P R E D S J E D N I K U
SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU SLUŽBENIH INFORMACIJA O DUGOVANJIMA GRADA NOVOG PAZARA I JAVNIH PREDUZEĆA I USTANOVA ČIJI JE OSNIVAČ GRAD NOVI PAZAR** sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 15. novembra 2021. godine.

**Predsjednik odborničke grupe
Ahmedin Škrijelj**

PRIJEDLOG

Na osnovu člana 32. stav 1. tačka 20), člana 46. stav 1. tačka 2), člana 52. stav 1. tačka 2), člana 71. stav 2. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 15. novembra 2021. godine, donosi

O D L U K U

o dostavljanju službenih informacija o dugovanjima Grada Novog Pazara i javnih preduzeća i ustanova čiji je osnivač Grad Novi Pazar

Član 1.

Nalaže se Gradonačelniku, Gradskom vijeću, načelnicima gradskih uprava grada Novog Pazara i direktorima javnih preduzeća i ustanova čiji je osnivač grad Novi Pazar da odbornicima Skupštine grada Novog Pazara, dostave službene informacije o ukupnom dugovanju Grada Novog Pazara i javnih preduzeća i ustanovama, kao i službene informacije o osnovu nastanka svakog pojedinačnog dugovanja.

Član 2.

Obaveza utvrđena članom 1. izvršiće se u roku od 15 dana od dana donošenja ove Odluke.

Član 3.

Ovu odluku objaviti u “Službenom listu grada Novog Pazara”.

SKUPŠTINA GRADA NOVOG PAZARA

Broj:

U Novom Pazaru, _____. _____. 2021. godine

PREDSJEDNIK

Dr. Anela Šemsović

O B R A Z L O Ž E N J E:

Pravni osnov za donošenje akta:

Pravni osnov za donošenje ove odluke je sadržan je u:

- članu 32. stav 1, tačka 20) Zakona o lokalnoj samoupravi;
- članu 46. stav 1. tačka 2) Zakona o lokalnoj samoupravi;
- članu 52. stav 1. tačka 2) Zakona o lokalnoj samoupravi;
- članu 71. stav 2. Zakona o lokalnoj samoupravi;
- članu 147. Statuta grada Novog Pazara
- članu 137. Poslovnika Skupštine grada Novog Pazara

Razlozi za donošenje akta:

Polazeći od činjenice da je osnovna funkcija lokalne samouprave da upravlja poslovima od interesa za lokalno stanovništvo, proizilazi obaveza da se poslovi povjereni i plaćeni od strane građana moraju vršiti odgovorno poštujući opšteprihvaćene moralne norme.

Upravljanje novcem građana, kao opštim javnim dobrom, predstavlja najveću odgovornost u rukovođenju lokalnom samoupravom.

Imajući u vidu da upravljanje sredstvima koja svima pripadaju tj. sredstvima čiji su vlasnici isključivo građani Novog Pazara nameće obavezu da isti budu obaviješteni o poslovanju Grada i javnih preduzeća čiji je Grad osnivač.

Ovom odlukom nalaže se Gradonačelniku i drugim organima Grada, kao i direktorima javnih preduzeća i ustanova čiji je osnivač grad Novi Pazar da odbornicima Skupštine grada Novog Pazara, dostave službene informacije **o ukupnom dugovanju Grada Novog Pazara i javnih preduzeća i ustanovama, kao i službene informacije o osnovu nastanka svakog pojedinačnog dugovanja.**

Usvajanjem ove odluke zadovoljava se interes javnosti o transparentnom raspolaganju finansijama i uspostavljanju obaveze za podnošenje izvještaja o finansijskom poslovanju.

Usvajanjem ove odluke otklanja se utvrđeni nedostatak i propust u radu ograna Grada i javnih preduzeća i ustanova jer do sada nije saopšten niti prezentovan nijedan zvaničan podatak o

dugovanjima i osnovima po kojima su ta dugovanja nastala kada je u pitanju Grad Novi Pazar kao i javna preduzeća i ustanove.

Ova odluka biće i najbolje mjerilo kako i na koji način rade najodgovorniji ljudi u Novom Pazaru.

Dostavljanje izvještaja o iznosu dugovanja kao i izvještaja kako je do tih dugova došlo biće pokazatelj karaktera ove aktuelne vlasti ali i dokaz njihove dostojnosti, sposobnosti, stručnosti i odgovornosti da upravljaju opštim javnim dobrom kao što je novac građana Novog Pazara.

Objašnjenje pojedinih rješenja propisanih ovim aktom:

Član 1: Ovim članom nalaže se Gradonačelniku, Gradskom vijeću, načelnicima gradskih uprava grada Novog Pazara i direktorima javnih preduzeća i ustanova čiji je osnivač grad Novi Pazar da odborima Skupštine grada Novog Pazara, dostave službene informacije o ukupnom dugovanju Grada Novog Pazara i javnih preduzeća i ustanovama, kao i službene informacije o osnovu nastanka svakog pojedinačnog dugovanja.

Član 2: Ovim članom utvrđen je rok za izvršenje obaveze iz člana 1. Odluke.

Član 3: Propisana je obaveza objavljivanja ovog akta u „Službenom listu grada Novog Pazara“.

Finansijska sredstva za sprovođenje ove odluke nisu potrebna.